


Jekkabaatra



Cikela ceman n'a musoman kunnafoniseben

a bo bo kalo o kalo

Jamana baarada la BP 2043 Bamako (Mali)

Kalo ladilikan

Cikela ka nin waati baraketa kolo girinw ye fən damadəw ye :

- Daamannogə donni,
- Fenjənamafagalaw fiyefiyeli,
- Bagandumuni kənəw labənni,
- Feerew ni dənniya kalanbolo labənnenw matrafali.

Nəgə donni na, nəgə donta hake kana dantəmə wa a ka don a tuma na.

Ni danni ma ke joona, a ka ni koori mənikuru ni səgeni ka don kelen ye nəgən fe. Koori danni kana təmə Zulukalo tile20 kan.

Koori ni sumanw furakeli siratəgə la, baarakeminənw səgesegeli ye wajibi ye. Furakeli kəcogo, a hake n'a baaraw bolodacogo ka kan ka matarafa. Kələsili ka kan ka boli kosebə nə ka ngaranka nuguirma kan. Kunnafoni jənjənw be cikelakolidenw bolo k'u lase bəe ma.

Baganmarra hukumu kənə, sira saba ka kan ka labə a nəma cikela fe :


- Bagandumuni kənə dansigili n'a labənni,
- Sənekəmisiw ka kəneyako kələsili n'u furakeli,
- Wərəñjanaw kiiməni.

Musow dəməbolo fe sa, a ka kan faran-kanni ka ke musow kan u ka forokənə boli la. A be jini fana nəgəya ka don musow ka kalanko baaraw la.

Dawuda Mace Dawo
CMDT Nəmaayaso,
Bamako

Koori Furakecogo Kura Feerew Be Sərə Sabati

Pe 3nan



Musow ka nə etaa Baaraw : Wondobugu Musojeckulu Cəsirilen Don

Pe 4nan



"Kalan be məgə son hakili la, nka kunnafoni be məgə bə kunpan na" (Yərə Ulen Sidibe)

JI BE DON KO LA DCC INCOC

Jinan cikesan ye sira ta. Samiyé daminené kabii Mekalo tile 10 laban. Nka n'i y'a jate mine sanjiko ma, maa bë se k'a fo ko jamana fan dòw la, samiyé ma don ban. O fanw na, Fana cikemara b'olu la sabu k'a ta Zuwenkalo kunjogon fôlo la ka se sisani ma (Zuwenkalo tile 24), sanjikodese sigilen don senekelaw kan. O sanjikogelya n'a ta o ta, an kana niné ka labenw sabati. An kana segen an kana jingon. An ka do fara cesiri kan. N'i wulila ka se an ka cikebugudaw la nin waati in na, i b'a ye ko forow waa bolen be, nogow tonnen don u toncogo feerew la. Forokene ka kan ni laben minnu ye senekelaw fe, olu bee kera a nema. Mun tora ? Sanji. O sanjiko min file o ye baaraw sennasumaya. Senekelaw wulila joona forobaara fe Fana cikemara cikebugudaw bee kono. CMDT ka feeretigw ka ladilikanw jodaba b'o la. Danni sensumayara kosebe bawo sanji ma na ka keje n'an ka jatew ye. minnu do ye forobaara damineni dansigili ye ka ben Mekalo tile 10 laban ma. Jinan cikesan seneko bolodalen don i'n'a fo salon ta. Taari ba 111 labenna koorisene kama, no ta ye taari ba 31 ye. Kaba ta ye taari ba 44 ni 600 ye. Taari ba 115 labenna keninge seneni kama. Nin baara bolodara Fana cikemara kono ka jateminé ke waati cogoya la. A waleyali sensumayara sanjikodese fe. Nka, an sigilen don sanji nani kan. O hakililatige de koson CMDT ka seneko feeretigw wulila ka do fara u ka deme n'u ka ladilikanw kan k'u lase cikebuguda bee ma. O labencogo kolo girin de y'a to halibi danni be senna. Ni ja in lasamana (o t'an ka lajini ye), bagandumuni be dogoya. Mun de ka kan ka ke yanni sanjikogelya in madali ce ? O feere ni dudenw labalocogo feere be se ka sanga nogon na. Senekemisiw man kan ka gengen ka ta wulajan na. A ka ni cikela yere de ka wuli ka taa melasi jini ka na a di baganw ma. Konte ni senekemisiw gengenna ka taa wulajan kono, u be yoro jan taama wa u segintu fari be bo u la. Melasi barikonfa caman b'an ka bolokan senekemisiw kama. Olu sanna an fe ka ke ka nin geleya suguw kuben. Sanji bëna na co an dalen b'o la. A kumbora ka ban bawo an y'a kolosi sanji be ka yelen jamana kanakayanfan fe. Maaw k'u hakili latige. Nin jikodese ye waati kunkurun-nin doren de ye. An ka kan k'an hakili to baaraketaw de la. Ni sanji ye tontili damine, an kana fo bilen ko koorisiko ni sumansiko ni senekeminenko de y'an bali samiyé tonoboli la. Min ye Fana CMDT bolofara ye, labenw kera ka dabaliw tige walasa baara bolodacogo be bo a sira fe. O siratege la, senefenw siw caman b'an bolokoro ka cikelaw deme hali n'o y'a soro seginkanniko donna danni na. Sumansiw la, kabasi kolokololen telimanni do be yen min be se ka dan Zuluyekalo ka tige ka ben cikesan foorituma ma. A kaba be ne fana ka senekela ka wasa bo a kono.

Ni sa bora ka bere min to i bolo, i b'a gosi n'o ye. O siratege la, sanji mana tonti doren, tolinogo ni damannogo ni segenni be nagami nogon na ka foro manadon walasa senefenw b'a nafa soro teliya la. O b'a to senefenw wulicogo be ne, soro be sabati.


Jinan cikesan ni 93/94 cikesan be se ka sanga nogon

na n'i y'a ta u daminecogo ma. O waati folen in na, Fana ye bin soro a ka koori hake bota la. A bora toni ba 78 na ka jigin ba 56 la. Fana CMDT ka feeretigw ka ladilikanw ye bin barika dogoya. Ladili siratege la, an ka kan k'an hakili to forokenew ladonni n'u matrafali konuman na. O man kan ka dan forokonobaara sidonnenw keli doren ma waati kelen walima fila. O baara ka kan ka ke bada bada de ye fo ka samiyé ban pew.

Min ye koori furakeli nasira ye, jatew y'a jira ko lala buludunntumu be kon ka bo joona jinan. A be se ka ye koorisun ni majosun bee la o cogo kelen na. O tuma, maaw ka do fara kolosiliw kan i'n'a fo a jirala cogo min na. Kolosili be damine foro seleke k'a gannatige fo a seleke to kelen. Ni buludunntumu yera foro min kono, o kunnafoni ka kan ka da CMDT ka feeretigw tulo kan joona yaasa olu k'a sementiya. N'o kera, feeretigw ni cikelaw be je ka tijenifén ninnu kele n'a keleminen jenjón ye min be CMDT kelen ka bolokan. Soro be sabati o cogo la.

San dòw be damine ni nogoya ye nka a laban be geleya. Dòw yere be damine ni geleyaw ye nka a laban ye nogoya ye. San 93/94 degun senfe, jamana caman nebora Mali fe k'a d'a ka laben ni cesiri kan. O laben konuman n'o cesiri kera sabu ye Mali jamana ka bo a boda numan fe ni wasa ni kunkorota ye a waati. O tuma, an kana segen, an kana jingon. An k'an timinadiya laben konuman ni cesiri la walasa ninan cikesan baara bolodacogo be sira soro an bolo. An ka kunnawolo ni sannayelen b'o de la. An k'an fanga ke kelen ye Mali togodaw yiriwali baaraw la

Bayelemabaga : Yusufu Jalo



Ko Fuseyini Togola

Fana CMDT Togoda Yiriwali

Bolofara Nemaaba.

CMDT KUNNAFONI

KOORISUN FURAKECOGO KURA FEEREW

Koorisun furakeli ye kooriko tɔnɔboli baara dɔ ye CMDT kelen don k'a sinsin min kan a ka cikemaraw kono. CMDT ye koorisun furakecogo kura dɔnniyaw lateme senekelaw ma walasa soro be sabati u bolo. O feere kuraw ye sira soro Kayan dugu kono.

Kayan ye senekedugu ye Joyila cikəkafo kono. Kayan be Ngolobugu kafoyiriwaton ni worodugu ce kilometere 5 nɔgɔn. Kayan lamini duguw ye Namajo ni Falabala ye kɔron fe. Kani b'a ni tilebin ce, Masako b'a worodugyanfan. Kayan dugu kono, CMDT ye senekela maa 32 kalan koorisun furakecogo kura feerew la. O maa dɔ ye Burulayi Tarawele ye.

A san naani ye ninan ye Burulayi be nin furakecogo kura feerew kan ka koorisene tɔnɔbɔ Kayan dugu kono.

Nin koorisun furakecogo kura feerew te sabati senekela bolo fo wale damadɔw keli ka dɔn a fe :
 -Ka koori tijenifɛnw dɔn i n'a fo ngarankāninw, bulumelekentumuw ani kurudunntumuw.
 -Ka tijenifɛnw keleli bagaji kerenkerennew dɔn (bulu ni kurudunntumuw bagaji). O taamasiyen ye darapo nugujima ni bilenman ye.

-Ka bagaji hake donta dɔn taari la. Bagaji litiri tilance be nagami ji litiri 9 ni tila la. O mumɛ ye litiri 10 ye taari 1 na.

-Ka kɔlsili kecogo dɔn. Furakeli fɔlɔ be damine tile 40 danni kɔ. Tile 7 o kɔ, kɔlsili be damine. O be bɔ a sira fe o cogo la dɔgokun o dɔgokun furakeli kofe (furakeli ye tile 14 o tile 14 ye). Kɔlsili be boli koorisun 25 de kan k'a wuli seleke dɔ la ka foro gannatige a jojan fe.

Koɔriju 25 fileta be sugandi kufɛ



Koorisun furakeli matarafali be soro sabati

fo ka taa se foro seleke la. Dannidinge kono, koɔriju kelen de be kɔlsili k'a ta koorisun dugumala f'a sanfela (bulu, feerekuru, feerew ani kuruw). Kɔlsili be jaabi kerenkerennen dɔw di minnu be na ni furakeli cunnenw keli ye i n'a fo :

* Ni ngaranka caman yera koorisun 20 na, ngaranka bagaji litiri 1 be nagami ji litiri 9 na ka taari 1 furaké kɔlsili don.

* Ni bulumelekentumu 5 yera koorisun 5 la, bulu ni kurudunntumu keleli bagaji litiri tilance be nagami ji litiri 9 ni tila la ka taari 1 furaké kɔlsili don

Ni kurudunntumu 5 yera koorisun na, bulu ni kurudunntumu keleli bagaji litiri tilance be ke ji litiri 9 ni tila la ka taari 1 furaké kɔlsili don.

Nin koorisun furakecogo kura

feerew te taa furakeliponpe numan sugandili kɔ. A baara be ke ni ponpe suguya 3 ye CMDT ka cikemaraw kono. O ponpew ye Beritudi ni Mikoru Ulwa ni Matadi ye.

Beritudi jiboda ye nugiji ye. Mikuro Ulwa jiboda ye finman ye. Matadi jiboda ye bilenman ye.

Koorisun furakecogo kura feerew nafa te fo ka ban. A do ye koori tijenifɛnw sidɔnni n'u lasali ye ka ne cikela fe. A nafa do fana ye bagaji musakaw dogoyali ye senekela bolo. Burulayi Tarawele ka weelekan nesinnen don kalan matarafali ma bawo ale de b'a to cikela be se ka bo furakecogo kura feere ninnu nunma.

Usumani Tarawele
Fana CMDT Kalanko Bolofara
Latombaga Yusufu Jalo

Baganbalosene ni Baganmisennamo ye Sira Soro Wondobugu

CMDT ka togoda yiriwali baaraw la, a y'i sinsin musow ka netaa walew sabatili kan. O siratege la, Fana cikemara kono, CMTD ye deme don musojekulu 362 ma. Wondobugu musojekulu b'o la. Wondobugu ye cikebuguba ye min be Konobugu cikekafo kono Fana cikemara la. A ni Konobugu ce ye kilometere 16 hake ye woreduguyanfan fe. San 1991, Wondobugu muso 170 farala nogen kan k'u tigola jekulu sigisen kan n'a be wele Benkadi. Musojekulu hake sera maa 200 ma an be don min na i ko bi. Baganbalosene ni baganmisennamo ye sira soro Wondobugu Benkadi ton bolo. An wulila ka taa se musojekulu in ma k'a ka baarano sifile.

Wondobugu musojekulu y'a sinsin musow ka netaa sabatili baaraw kan. O baara daw ye forobakoobio, tigasene, nakobaara, sunbalabo, jago misenninw ka fara siyemara ni kamimara kan. Bi, Wondobugu musojekulu ka soro fanba dulonnen don baganmisennamo ni sagajigilatu la. O soro nebila baaraw ye baganbalosene ye.

Baganbalosene te sira soro fo baara damadaw keli ka matarafa. A folo ye si ninini ye. O sira kan, siyosi numan be soro CMTD ka bolo kan.

Baganbalosiyosene waati b'a ta Zuluyekalo tile 20 na fo Utikalo tile 10. A tigewaati b'a soro bulu caman b'a la, baganw nafalan fana be soro a la. Siyo ka kan ka dan kene laburelen kan.

Dannisiraw ni nogen ce ka kan ka

ke santimetere 80 ye.

Danduguw fana ni nogen ce ka kan ka ke santimetere 50 ye. Siyo kilo 10 de be ke ka taari kelen dan.

A mana falen, korosijeni ka kan ka ke sine kelen. O b'a to bin te siyosun degun.

N'a feerela, siyokala ka kan ka sama k'a kuru ju fila fila walima

nini CMTD fe a k'u deme baganmisennamo sabatisiraw boli la Wondobugu. CMTD ye musojekulu jigi fa. A ye nafolomugu deme don Wondobugu muso saba ma minnu sugandira Benkadi ton fe. O cogo la, sefa wari doreme ba 14 dira muso ninnu kelen kelenna ma. O wari la, u kelen kelen ye sagajigi kelen ani sagamuso kelen san. An be don min na i ko bi, sataw ni feeretaw bolen ko a la, an balimamuso Ba Fonba ka saga hake ye 16 ye. An b a l i m a m u s o Jeneba Kulubali ta be ben saga 11 ma, Suraka Tarawele ta ye 16 ye.

Baganmisennamo nafa bora

saba saba. A kurulen be bila o cogo la ka tile fila ke foro kono walasa tile k'a ji sama. Tile filanan, i b'a yelema. A lamarali sira kan, i be ga do jo k'a bila o kan. Nafa min be bo nin baaraw la, olu ye baganw labaloli konuman ni nogo diman soro li ye. Tilemafeturabulutige be bo i ma wa fana do be bo bagannabalo musakaw la. Nin baaraw matarafali konuman de ye baganmisennamo sabati Wondobugu musojekulu bolo.

O baara hakilina folo bora Wondobugu musojekulu yoro ka se CMTD ma. O sira kan, Wondobugu musow ye cidenkulu maa damado lawuli san 1997 waati ka taa CMTD kumajogonya. O cidenkulu y'a

Wondobugu musojekulu fe bawo u be nogo diman soro, cew ka lahiyasaga be bo a la. Musow yere ye saga daw feere. O kasabi be don musow yere ka musaka daw dafe.

Ladilikanw


-Muso min b'a fe ka baganmisennamo tonobo, i ka kan k'i wasa don baganbalosene na.

-Baganw ka kan ka sogo sine fila san kono. O b'u tanga fogonfoggonnabana ma .

-Furakise ka kan ka di baganw ma sine fila san kono k'u konoantumuw kelse.

-Nogodinge ka kan ka sen nako kono walasa ka sagabow ce ka taa k'o kono.

Usumani Tarawele
Fana CMTD Kalanko Bolofara
Latombaga Yusufu Jalo




Baganmisennama ye sira soro Wondobugu

Mara cemaboli sendane folo w waleyara

Galokuluw n'an k'olu ma ko kominiw olu ka kalataw kera jamana fan tan ni naani bee kono. Jamanadenw y'o wale folow sira taama mara cemaboli hukumu kono. Heere belebele be soro mara cemaboli sendane folo baara kelen ninnu na min fanga ka bon kosebe bawo maa minnu sugandira kalata ninnu senfe, olu bena yamaruya sigida konew jenaboli la : mara be segin so, ka sigida kunkow jenabobagaw ke sigidala mogow yere ye. Maa sugandilenw be sigida kunkow ni a haminankow sidon. O kama, wajibi la u ka baaraketaw be nesin sigida ka lafiya sira taamani ma. O y'u ma wajibi ye. Junu te san soro juru ko. Maa sugandilen k'a bila i ne, o ye yereeta waleba ye. Nka jemaa jigi ye a sugandibagaw ye bawo bolonkoninden kelen te bese ta. Sigida kono baaraketaw bolodabaga ye jemaajekulu ye. A walebagaw ye jama ye. Ale min ye a tono dunbaga folo ye.

Yusufu Jalo
ni Bakari Sangare

Sensabana be n den na.
Ne ka kan ka mun ke ?



JAMANA Baarada Ka Gafe Kuraw Bora.

Gaafe ninnu do file :

* Sensbn be n den na.....

Ne ka kan ka ka mun ke ?

* An ka yele doonin

* Takana

Aw ye wuli ka se Bamako

Jamana Baarda ka Gafefereyoro la min file "BDM.sa" daf. Modibo Keyita Togola Siraba dala

Songo damatemedia don

Jekabaara Boko 165 nan

Ne 5nan

Kalo Hakilijakabo.

Daba ka manumatokan.

N'i ko i da ka di i y'o ye ne daba la de.

Ka d'a kan ni ne daba tun da man di, ne tun te na se ka denw labalo.

N'i y'i ko kuru dun, i y'o fana ye ne daba la dere.

Ka d'a kan ne daba ye n kokuru i ne.

N'i ko i be i kubo,

Ka jaman, i y'o ye ne daba la

Ka d'a kan ne ye kukala bo i ne.

A ye se aw daw la bawo,
Da be mogo dun. Nka, ne daba da be binjuguw tige aw ye.

A ye kokuru dabila a b'aw negebo dije na.

Nka ne daba be n ko kuru
Jango n be se k'aw wasa ni nda ye.

Aw kana aw kuw bo ne denw,
A b'aw negebo dije na.

Nka ne daba ye ku bo
Yaasa aw na bolomineyoro
soro ne daba la

Ka aw magow ne dugukolo la.
Nin ye ne daba ka manumatokan ye.

Aw ko di ?

Fode Sumunu,

kafoyiriwaton Kuntigi ka bo Kunana

Kucala CMDT Cikemara Kono.

U KO....

Fen kelen jumen be dije kono dunan ka di min ye fo k'a damatemde nka dunan ka don a yere kan o ka gelon a ma kosebe.

O ye mun fen ye ?

Fatumata Baalo

Tizana musow ka balikukalankaramogo
Beleko, Fana cikemara kono.

Maa min teri ye warabilen ye,
o ka bere te to jiribolo sanfe.

Maadu Jara
ka bo Sala, Kati mara la.

Suruku welela k'a k'i laben ka taa bagen na sini. O fo yoro min, namakoro kulela dewu. Nsonsanniba y'a deli ko a ka a mankun ko a be kasi mun na ? A ko nsongsan ma, ko hakili na saba de bena ni cebakoro ka kasi ye.

A folo, cebakoro mana dese fen o fen na, n'i y'a ye, a ni kasi ka kan.

A filanan, i be min nini n'i y'o soro hakililatige kono, a be kasikun bo.

A sabanan, n'i ko maa nisondiyabagato ma ko a ka ta fiye, n'a nunji ma faa, a daji b'a faa.

Ne namakoro kasikun file de. Nka ne ma d'a la ni nanfigiw be son ne ka bagen ma sini.

Sinamusoma fila diya o diya , n'i ye juru don kelen kan na k'o di to kelen ma ko a ka taa a feere sugu la, hali n'a ma san, a seginti b'a jurudon sira fe.

Ntoriw ka mankankolonci te sama bali jimin na danganda la.

Musa Samaseku
ka bo Medina Kura, Bamako.

1999 san - Zuluyekalo

KOÖRISUN FURAKELI

An ka boko laban na, an ye CMDT ka koörisiw ni sumansiw furake feerew lateme aw ma. Nin boko 165 nan na dakun be tengun koörisun furakeli feerew la.

Koörisun tijebaga fennjenamaninw caya kama, a ka ban senekele k'a furake ka ne- O fennjenamaninw kelel b'a ka soro sabati. I be bagaji fiyefiye koörisun kan walasa a be tanga fennjenamaninw ka tijeni ma. Sanni furakeli ka damine senekele fe, a ka kan k'a ka foro suma k'a taariw dansigi. O ko, a be furakeliminenw segeseg n'olu ye ponpe n'u njogonnaw ye. Fennjenamafagalang bagaji suguya saba de be CMDT ka maraw kono. Koörisun furakeli la, a ka ni senekele ka bagaji suguya donta n'a hake tata don.

-Suguya folo: fennjenamanin minnu ka tijeni nesinnen don koörikolow ni feerew ma. O b'olu kele. A taamasiyen ye darapo nugujima ni bilenman ye furajibara kan.

- Suguya filanan : o be fennjenamaninw kele minnu ka tijeni nesinnen don koörikuruw ni koöriji samani ma. Taamasiyen min be ye o furajibara kan, o ye darapo bulama ni bilenman ye.

- Furaji suguyaw n'u ka fennjenamanin keletaw.

Furaji suguya	Taamsyénw	Fennjenamanin kele taaw
folo	nuguji ni bilenman	bulumelekentumu (silepita) kurukaseri (kōsimofita) buluniminntumu (sipodopitera)
filanan	bulaman ni bilenman	eliyotisi diparopisi (ntumu bilen negeman) eyariyasi
sabanan	nuguji- bilenman ani bulaman	bulumelekentumu (silepita) kurukaseri (kōsimofila) buluniminntumu (sipodopitera) eliyotisi diparopisi (ntumu bilen negeman) eyariyasi

- Suguya sabanan o be fennjenamaninw kele minnu ka tijeni nesinnen don koöribuw ni feerew ni koörikuruw fennjenamanin ma minnu be koöriji sama. A b'olu fana kele. Nuguji ni bula ni bileman y'o taamasiyen ye.

* Fuakeli waati

Ni koöri feere folo bora foro kono, koörisun furakeli be damine fo k'a taa se koöri dannen tile 40 ko ma. Nka ni koörisun falennen ye tile 30 walima 35 soro, ka fennjenamanin caman to a la, i b'a furake. Tile 14 be don furakeli waatiw ni njogon ce. Ngomiji mana bon koörisun furakeli be damine sogoma nege ne 9 fo 11. Wulafc, a be damine nege ne 16 ka taa a bila 18 na.

- Furakeli kēcogo:

Yann'i ka furaji nagami, i be darapo siri ka fiñe taafan don. Furaji nagamicogo la i be furaji litiri 1 nagami ji litiri 9 na. O be ke ka taari 1 furake. O baara keto, i be ji sanuman do ke bara kono, furaji litiri kelen be k'o kan ka soro ka ji ke k'a dafa litiri 10 na. Ponpebaran lafacogo la, i be baraba falen

da i ko la, ka baranin lafa arakori fe. O ko, arakori min be baraba tugu baranin na, i b'o orobine dayelen. I b'a to furaji ka jigin fo ka baranin fa. I be soro ka orobine datugun ka furakeli damine. N'i ye fiñe taa-fan don, i be furakeli damine foro seleke la, ka danni sira 4 jate. I be taama 4nan ni 5nan ce. Sira saba be furake o cogo la. Kontaki bilalen ko a la, i be ponpe

yeléma ka disikikun jigin. I be taa fo kun na. I seginto be jate damine 4 nan na. Furakeli be ke o cogo la fo ka foro bee ban. Ponpe be yelen koörisunw sanfe ni nonkon ne 1 hake ye (santimétere 50).

Furakeli kōfebaaraw

Furakeli daminenen ko, i be safuneji ke baranin kono k'a fiye ka tila ka ponpe ko. I be finin kolon su safuneji la ka ponpe yoro bee josi. Ponpe be soro ka taa mara yoro la denmisewn t'a lasoro yoro min na. Ponpe man kan ka ko kōlonda ni koda ni dalada si la. Ni furakeli banna, i be furabara lankolon sogo k'a don dingé kono k'a datugun. I b'i yere ko ka ja ka furakelifinin bila u damayorø da k'i ka furakeli kumafosében lafa.

Kolosiliw:

-Koörisun man kan ka furake ngomiji kan walima kabafin jukoro. A man kan ka furake fana ni fiñe barika ka bon. Koörisun man kan ka furake ni fiñe cira. Ni sanji nana ka soro koörisun furakeli ma waati 2 dafa, segin be ke a furakeli kan. Koörisun furakeli konuman be sin-sin wale damadow de kan :

-Ka foro suma k'a hake don

-Ka danni ke joona

-Koöri kana sene koöri no na,

-Ka foro siñe k'a ja

-Ka CMDT ka fura yamarualenw ta furakeli kama, k'u hake dontaw matarafa taari la.

-Ka furakeli ke ni minen lakikaw ye walasa koörisi numan be soro.

-K'an sinsin furakeli labanw kan. A yamarualen te furakeli senfe i ka dumuni ke, ka sigareti min, ka woro njimin walima ka siramugu min.

Ni furaji ye mogo min mine, aw be dögötöröso segeré joona n'a tigi ye. Aw taato, aw be furaji mankutusében bila aw kun.

Usumani Tarawele
Fana CMDT Kalanko Bolofara
Latombaga: Yusufu Jalo

JIRITURUKO

Aka ca san 10 ye CMDT ye dugukolonon kunben baaraw damine a ka cikemaraw kono. Mali jamana woroduguyanfan na. Jirituru fanga ka bon o baaraw la. O siratige la, CMDT ye senekela dōw sugandi k'olu kalan jirisijenamō na. O maaw la, Wolodo Mamadu Tarawele b'olu la. Mamadu Tarawele ye jirisijeko ni jirituko misali numan ye Fana cikemara kono. An wulila k'an kunda Wolodo kan walasa ka misali in sementiya. Wolodo ye cikebugudaba ye min be sirabada la Bamako ni Fana ce. Wolodo dugu lamininen don dugu dama-dama fe. A ni Marakakungo be danbo kɔrɔn fe. Korokoro b'a tile-binyanfan. Janfabugu be Wolodo woroduguyanfan. Johacen b'a kanakayanfan. Jirisijenamō hukumu kono, Wolodo Maadu Tarawele be jirisijen suguya caman namo. Nsirasiñe, o 1000; ntomōnōnsiñe gerefelen ye 100 ye, ntomisiñe ye 100 ye, ngonansiñe ye 500 ye, nere 100, malijiri 600, mantolatōmu 425, kasiya 300. Jirisijen kisew tomōnen ko, u lasagoncogo n'u dancogo feerew be kalan jirisijenamōnañaw fe. CMDT jolen don n'o kalan ye. O kalan feerew la, sinsin kera sigida jiri nafamaw kan. Feere ninnu tonobora Wolodo Maadu fe. Misali la, Maadu be ntomōnōnju kelen feere sefa wari dōrōme 150. Maadu Tarawele ye taari 3 turu mangoro dōrōn na. Taari tilance labennen don a fe somosun turuli kama. Nin baara ninnu ye caman ta Maadu ka du musakaw la wa Wolodo n'a dafedugu caman ka jirikomago be dilan Maadu fe. Wolodo foro caman danbolen don

ni nsirasunw ye minnu bora Maadu ka jirisijenforo kono. Maa te jiriko nafa fo Maadu ye. O sira kan, Maadu ye jirituru matarafati nini jamanaden bee fe. Bi jiridese barika bonyara sigidaw la. O sabu do ye jama bugunni ye. Jiriw be tige maaw fe k'u ke sojojiriw ni dōgōw ni sarabonw ni denfuraw ye. Jiri tigelenw nōnabilali hukumu kono, jirituru baaraw be senna CMDT cikemaraw kono. Baara damadow de ka kan ka ke walasa jirituru be sabati :

- **Jirituru bolodali.** O bolodali hukumu kono, forokene ni jiri suguyaw ni jirisijen hake ka kan ka dōn.

- **Jiriturudinge senni.** O baara ka kan ka ke Zuwenkalo sada waati. Dingé kono n'a dunya ka kan ka ke nōgōn ne kelen hake ye. O b'a to sumaya be basigi dingé kene yann'a turudon ka ce.

- Ni jiri be turu, bōgo be lasegin dingew kono ka sōro ka jiri turu. Jirisijen be turu ka kēne n'a dugudan kōrō ye. O y'a sōro i ye do bo a buluw la. Jiri turulen ninnu ka kan ka lakana ka bo baganw ka tijenimā. Tasumakunbesiraba ka kan ka ke ka jiriforo lamini. Jirisijen minnu mana sa, olu be nōnabila san nata la. Ninan cikesan na, Wolodokaw ye jirituru baara dōw boloda :

- Forabajiritu. Somosun taari kelen ani mantolatōmu taari tilance be turu.

- Jōnkari la, somosun taari tilance be turu.

Jirituru siratige la, Wolodokaw be weelekan bila bee ma bawo sigida sabatilan n'a nafalanba be sōro jirituru la.

Usumani Trarawele
Fana CMDT Kalanko Bolofara

Poyi : NEEMA

N'i y'i jo ka kungo laje

I be i yere nininka

Sabu kungokonona te faamu



Tile ka farin

Fijé ka jugu

Dugukolo numan dōgoyara

Kōw ni kōlōnw jara

Cencen ye keneba mine

N'i y'i jo ka kungo laje

Hadamaden ka netaa kera haminanko ye

Sabu duniya geleyara

Kungosogow te tugun

Sanjibaw nōgoyara

Bagangeyorō dōgoyara

Kelē bee te nafa ne

Nka ne ka kelē ye sabu numan ye bawo

Ne jala, cekorobaw tun be sigi ne suma na

Ne mangoro, denmisew tun be tulon ne suma na

Ne nere, musokorobaw tun be yaala ne denw kō

Ne canguran, musow tun be ne bolo tige k'o ke tobilidogo ye

Ne nōni bolo tun be ke ka sow bili

Nka hadamadenw n'aw m'aw janto an na

K'an səbekorō turu ani k'an ladon kojuman

Neema nafa ni furako te sabati

Umaru Baru Tarawele
Marakakungo CMDT ZAERI
Kuntigi


Arajolakalan Kene Sigira CMDT Cikemaraw Kono

CMDT hamí ye cikelaw yere damaw ka se ka sigi k'u ka kow fo u ni nogon ce; u ni CMDT ka feeretigw ni lasigidenw ka sigikafu yaasa do be se ka fara u ka dontaw ni feerew kan. O yiriwali hakilinaba do ye arajolakalan ye. Zuwenkalo tile 22 fo a tile 26, o baara tu tigera ni arajolamenjekulu kurubonkarili ye CMDT cikemaraw kono.

Jamana woroduguyanfan togodaw yiriwali hakilina sira taamani na, CMDT wulila ka deme don u arajosow ma. Nafa minnu yera arajosow la kunnafonidi hukumu kono k'a lase cikelaw ma, o te dooni ye. O siratege la, CMDT ka baara taabolo fe, a ka ni arajosow ka fen caman walanciwalan cikelaw ye; dönniya ni feere kura latemetaw hukumu kono. O soro sabatili konuman sira kan, CMDT y'a laje ka balikukalandenw n'a ka feeretigw ni kalanfaw fara nogon kan. O be min nofe, o ye jemukan walanda do sigili ye senkan faabaw arajosow la k'a nesin CMDT ka togoda yiriwa baaraw nefoli ma. Nin hakilina de nana ni arajolamenjekulu sigili ye senkan. Naniya min fana ye CMDT bila ka arajolamenjekulu sigili tu tige, o jate be boli cikelaw ka kalan sorolen kan. O kalan dabora cikelaw yere ka se k'u laben konuman yaasa soro ka yiriwa. Arajolamenjekulu ye sabu numan ye CMDT ni cikelaw cesira baaraw nogoyali la. A be ke sabu ye fana CMDT ka baaraketaw be faamuya haali cikelaw bolo.

Arajolamenjekulu sigili te baara kura ye CMDT cikemaraw kono bawo a tun be ke kakoro. Kunnafonidijekulu don min be sinsin CMDT ka baaraw kan k'u nefo konuman ani k'u waleya cikelakolidenw ni cikelaw yere fe.

Arajolamenjekulu baaraw be nesin kalanden jolenw ni cikelaw ni cikelakolidenw bee ma. Nin maa ninnu ni arajoso baarakelaw be fara nogon kañ ka arajolamenjekulu ka baaraw ke nogon bolo. CMDT cikemaraw kono, cikebuguda kelen kelenna bee niyoro be arajolamenjekulu baaraw la. Duguden bee bo la. Baara ninnu



Fana Arajolamenjekulu kurubonkarili lajejama

karamogoya joyoro dilen don kalanden jolenw ma. Karamogo de be arajow ka kalanbolo Iasetaw walanciwalan konuman dugumogo tow ye foro kono.

CMDT b'a lajini kalanden jolen ka soro senkebonda kelen kelenna na yanni san 5 be dafa. Ale de be ke foro nekun ye ka kunnafoni lase maaw ma. Kalanden jolen ninnu be se ka ke kalanko jiidili sababu ye, yelembolo kura be se ka ta dugu fe a ka baaraw la. Barosen 12 labennen don arajolamenjekulu ka baara waleyataw kama. Barosen kelen kelen be tali ke CMDT cikemara 6 senkebugudaw ka hamiw kan. A be ke sabu ye baaraw be jidi ka taa a fe. Zuwenkalo tile 22 fo tile 26, CMDT ka cidenkulu do n'a nemaaya tun be Mahamadu Lariya Sise bolo, o wulila taama na CMDT cikemara 6 kelen kelenna kono yaasa ka arajolamenjekulu kurubonkar. Baara waleyacogo dajirala maaw la jamalajew senfe ka jaw ke ka barosen 12 ninnu kokorodon. Zuwenkalo tile 26 n'o benna Fana cikemara arajolamenjekulu kurubon-

kari don ma, Fana AV ni kafoyiriatonw nemaaw tun be kene kan. Nin maaw bora Beloko, Masigi, Joyila, Konobugu ni Marakakungo kana fara nogon kan Fana Kalansoba la. O jamalaje senfe, Fana CMDT Togoda Yiriwali Bolofara nemaaba Fuseyini Togola y'a lajeya ko dugu minnu ma arajolakalan ke, kalan do bena boloda olu dugumogow ye. Dugu minnu te arajo ninnu soro, kurufe n'o ye kaseti ye, o do be laben k'a di olu ma. Laje in kunceto, Karamogoba Fuseyini Togola y'a gelyea bee ma baara bolodalenw ka njenini k'u don ka soro k'u waleya a nema bawo arajolakalan ye togoda yiriwali baarakeminien nana ye. A matarafa konuman y'an ma wajibi ye. Karamogoba Togola y'a nini ZAERI ni dugu kalanden jolenw fe u ka fara nogon kan ka don nogon jigi koro, ka don dugu jigi koro walasa kiimeni don be ke bee ka wasa don ye. O tuma, arajolakalan baaraw ka mine sebe la.

Mamadu Yusufu Sise
CMDT Baarada Kalanko Bolofara
Nemaaba Bamako
Latombaga : Yusufu Jalo

KENEYAKO KIRIKIRIMASIYEN TE BANA YELEMATA YE.

Mara ni kirikirimasiyen keleli ye jamana kenyako tigilamaw haminankoba ye. O siratge la, Jekabaara walebaa do ka taama senfe Marakakungo, a n'o sigida kenyako tigilama Karamogo Nimaga ye nogon kumajogonya. Min bor'o kumajogonya l, o file :

Nininkali : Dogotoro Nimaga, e ka baara nesinnen don kirikirimasiyen keleli ma. Bana in be mogo soro cogo di ? A taamasiyen ye mun ni mun ye?


Kgo Nimaga : Bamananw b'a fo u ka nsanaaa do la ko " bana sidon ka fisa bana furake ye ". Kirikirimasiyen ye bana ye min be maaw lasirn kosebe k'a sabu ke a juguya cogo n'a furakeli geleya ye. Bana don min be mogo mine i kungoloseme na. A be soro kungolodimi gelenu fe. Kasaraw fana bc se k'a lase mogo ma n'a tigi kungolo gosira fen do la k'a joli ni kungoloseme nagami nogon na. Farigan fan b'a lase mogo ma. Ni farigantoo farikolo funteni bonyara ka teme, joli be yelen kungoloseme fe.

Nininkali : Yali aw ni demejekulu dow bolo be nogon bolo nin baaraw la wa?

Kgo Nimaga : An ni Faransi kafo do be nogon bolo n'o ye Mariseyi "Kanpisi" ye. Faransikaw ka o nogonfaamujeckulu de jolen don baara in nafoloko koro.

Nininkali : Kgo Nimaga, yali aw baara ninnu be ke Mali fan bee wa ?

Kgo Nimaga : Baaradamine don o de kama an te jamana fan bee kono. An ka nin baara ninnu be ke dugu damadamaw de la. Kulukoro mara kono, numayana-fanbolo duguw ye Sala, Jinkoni, Cenfalagara, Fugadugu ni Manabugu ye. Cemanceguguw



Dogotoro Karamogo Nimaga

ye Fura, Senba, Jogo ni Kaba ye. Kininboyanfan taw ye Mufa, Sebekoro Koro, Tajuman, Sebela, Faragan, Cema, Baginda, Kobala Kura, Nimiza, Sunuguba Koro ani Sunuguba Kura ye.

Nininkali : Kirikirimasiyento maa joli de be nin dugu kurukara bee kono?

Kgo Nimaga : An ka baara damine ni sisan ce, an ye kirikirimasiyento maa 121 de bo an ka jatew kono.

Nininkali : Bana in keleli la, yali aw ka fura be se ka baana in furake waati joli kono ?

Kgo Nimaga : Bee b'a don ko bana donni ka telin n'a boli ye. O siratge la, bana mna juguya cogo o cogo, ni kirikirimasiyento fen ofen tugura nw ka furaw la, a c'a lakalo 24 kono i ka bana be ban pew. I be segin i ka maaya cogo koro la.

Nininkali : Kgo Nimaga, maa caman be siran kirikirimasiyento

ne sabu dow ko a be yelema. Yali bana in be yelema maa were fe wa ?

Kgo Nimaga : Kirikirimasiyent te bana ye min be yelema maa were la. O ka fo k'o lajeya bee ma. O tuma kun fosi te o siranje la. I ni kirikirimasiyento be see ka fen bee ke nogon fe. Aw be se ka dumuni walim ka ji min minen kelen na, o te to bana ka yelema i fe. An be see ka min fo o ye ko bana in kise ka ca sinji do la ka teme do kan. O te dower ye Ala ka latige ko. Nin yoronin kana maaw kononafili k'a d'a kan fen bee faralen don Masa Ala la. A ka ni nin yoro in ka pereperelatigye maaw ye walasa u k'a faamu.


Nininkali : Kgo Nimaga weelekan jumen b'aw bolo k'a lase jamanadenw ma kirikirimasiyen keleli ni kyrikirimasiyento ladonni na.?

Kgo Nimaga : An bee k'an jija ka banabagato ninnu k'an do ye k'a d'a kan bana te maa si sagonafen ye. Ni bana in ye maa min mine, o tigi k'a ni limaniya laje. A be furake ni Ala ka jen ye. Wa bee ka kirikirimasiyentow ladon kojuman bawo a be se ka bee soro. An kana a tigi ke bolokofefen ye. Bana in kono te baana yelemata ye. O ka lajeya bee maa. Ni mmaa min mago be an ka baarada laa, i be wuli ka se Bamako kin na n'a be weele ko Sema. A togo ko Mali Woroduguyanfan Keneysako Demejekulu

Yusufu Famori Fane

Ntogonaso Numuke Jolen Sibiri Sara

Ntogonaso ye miyankala cikébugudaba dō ye min ni Kucala ce ye kilometere 40 hake ye. O ye Sibiri Sara bangedugu ye. Sibiri Sara ye numuke kamalen ye min si be san 45 la bi. A ka baara jenabō kojuman n'a ka baarakəbolo de be se ka sanga nōgōn na. Sibiri y'a senbō nansarakalan na k'a to a kalandā kōnōntōnnan na. A y'a sinsin numuya baaraw kan a ka dinelatige kōnō k'olu tōnōbō.



Ntogonaso Numuke Jolen Sibiri Sara

Waati temena, numuya baaraw tun be ke degun kōnō. Numuke tun be sigi duguma wa a ka baarakəminen tun ye faga ni penpen ni bawolo dōrōn de ye. O baarabolo nafa ka dōgon numuke bolo. CMDT ye jate bo o kan ka feere dōw tige a ka cikəmaraw numuw ye walasa ka dōnniyaw latemē u ma u n'u ka sigidaw bēna se ka minnu tōnōbō. O hakilina labenw waleyara kabii san 1970. Dōnniyaw ni baarakəminenw latemēna numuke 231 ma o cogo la. O numuw na, Ntogonaso numuke jolen tun b'o la n'o ye Sibiri Sara ye. A ka césiri y'a to a senyera CMDT ka 70 sanw kalanbolo sigilenw na. CMDT y'a dēmē i n'a fo numuw ka baarakəminen dōw lase a ma. Sibiri ye nafa sōrō a ni CMDT ka baarakənōgōnya la

bawo CMDT y'a dēmē nafolomugu la yaasa a ka baara ka sabati a bolo. O dēmē siratēge la, k'a ta kabii san 1970 fo bi, CMDT ye nafolomugu min jurudon Sibiri la, o kurukara be t'i jo sefa wari miliyon 6 hake la. O y'a to Sibiri Sara ka numuya baaraw ye sankorōta sōrō bawo a ye baarakəminen caman san o nafolomugu la. A ye baarakəminen ninnu tōnōbō ka CMDT ka juru donnenw bēs sara ka bēn ni layidu talenw ye. Sibiri Sara be numuya baara caman ke minnu nafa be se Kucala cikəmara ni cikəmara wērēw ma. Ntogonaso numuke jolen be minen minnu dilan olu dōw file:

sennapōnpew, bololapōnpew, soliw, cikewotorow, dababanaw, nēgēkonw, walambaw, nēgesigilanw fo ka se kalansotabaliw ma. Nin minen bēs be lalaga Ntogonaso numuke jolen fe. Kēnēyako nasira la, Sibiri Sara be sigidallamaaw magonəminenw dilan i n'a fo musojigintabaliw ni banabagatō dalilanw n'u nōgōnnaw. Baaraden maa 8 de be Sibiri ka fango baaraw ke (maa 3 b'olu la minnu be kalosara ta). Olu b'a dēmē dugukōnōbaaraw ni dugu kōkanbaaraw la. Tabara fangamaba fila (KVA 8 ani KVA 13) be Sibiri bolo o baaraw kama.

Maaw be wuli dugu ni dugu ka na Sibiri sēgerē Ntogonaso

walasa a ka dōnniya dō latemē u ma numuya baaraw la. O siratēge la, Sibiri ye maaw kalan minnu bōra Ntogonaso lamini duguw la.

Sibiri Sara ka nin baara ninnu nafa te fo ka ban. A ye nafa lase a yērē ma, dugu n'a laminiw ma. Misali la, maa te wuli ka yōrō jan taama bilen jisamaponpe dilanni kama. Nē tugu n'a yēlēn ce, Sibiri Sara n'a ka baarakəlaw b'a dilan. A ye nafa lase cikəmara wērē ma bawo kalanden dōw bora Segu ni Mooti ni Klela ka na dōnniya nini a fe. Jamana wērē maaw y'u mago nē ni Sibiri Sara ka dōnniyaw ye bawo Burukina koɔriko baarada ye maa 3 lawuli ka na kalo 3 kalan ke Ntogonaso. I n'a fo Sibiri Sara yērē y'a jira cogo min na, "nin sabu juman jujōn ye CMDT ye wa gelya belebele de talen file ka bo ale Sibiri kan bawo CMDT y'ale dēmē kosebē a ka sannayēlēn na. A ko a b'a jini CMDT fe a ka dēmē don a ma a ka minen dilannenw feereko la, kērenkērennenya la u feereyōrōko.

An ni numuke kamalen Sibiri Sara ka kumakan laban na, a ye césiri jini bēs fe bawo hadamaden, dugu ni jamana ka jetaa b'o de la.

Musa Zanō Tarawele
Kucala CMDT Kalanko Bolofara
Latōmōbaga : Yusufu Jalo

Nənkənforokoro ka Taariku

"Nəkərō bə ban, n ka tulokoro tə ban".

Nənkən ye dugu ye min bə Nənsənbugu mara la. A b'o ni kərənyanfan cə ni kilometərə 21 ye ; a ni Bamakə cə ye kilometərə 91 ye kənəkayanfan fə. Nənkən ye turabu masadugu ye kabini lawale la. Məgo o məgo bə turabu da, olu bəs lajelen da bə se Nənkənforokoro təgəma. O siratige la, Jekabaara ka ciden də wulila ka se Nənkən dugu kənə awirilikalo tile 29 san 1999 ka taa a bila məkalo tile 3 la ; walasa ka kunnafoni jənjən sərə Nənkənforokoro ka dijəsosigi ko kərō dəwə kan. Bamananw b'a f'u ka nzana də la ko : "ja bəs la juçən ye baga ye". O kərō tə dəwərə ye, sənn'i ka məgo dən, a bəra məgo minnu na, i ka kan k'olu dən fələ. Nənkənforokoro ba bəra Jitumu, a bangera 1391 waatiw kənə Nənkən so la. A fa tun ye Kənibə Jara ye. Min y'a ka turabuko dənniya ye, a n'o bəra a bənna la, n'o ye jitumu ye. Nənkənkaw ka fə la, Forokoro taara jitumu ka bən n'a bənke ka cən sən ye, n'o ye Npiye Samake ye. O don, turabu gundomayərəw n'a jiri kologəlenw bəs lajelen bə fə turabukalandenw ye. Kabini Nənkənforokoro sera Npiye Samake ka so, ka ji min, ka dumuni kə, u temənna ni jənajəs ye. N ka min ye turabuko komisen təw ye, olu bəs lajelen dogora Forokoro la. Ka a masoř u ka donkibaruyaw ninini də senfə. Jitumubala fa Npiye Samake y'a ye turabu la, ko n'u balimamusoden fən o fən ye u ka turabuda gundo sərə, k'o tigi bə ye u ni təgətigiyə cə fo ka taa dijə wuli. O de kosən, u tun ye u dogo Forokoro la. Nka Forokoro yərə fana tun tə kunfin ye, sabu a y'u ka taabolo bəs faamu. A y'a dən ko gundo ninnu tə to fəbali ye abada, a y'i labən "su t'a kə, a t'a nə", a y'i dən ka t'i da a bənke denw fə u ka so kənə. O y'a sərə n'a tun taara Jitumu, a tun bə si a məmuso fə o ka so kənə. Jitumubala fa Npiye hakilina waati selen, o wulila k'a denw siyərə səgərə. Sann'a ka don so kənə, a y'a denw nininka k'u ni məgo wəre

bə yen wa. U y'a jaabi ko məgo wəre t'u fə yen. O kəlen, Npiye Samake sərəla ka don so kənə k'i sigi ka turabu gundomayərəw n'a jirikologəlenw fə a denw ye, ka sərə ka t'aa a da. O y'a sərə Nənkənforokoro dalen bə denmisənw cəla, nka u si t'o kalama hali dəoni.

Denmisən do yələmato tura Forokoro dalen na, o y'i kanto ko jənni don ? Forokoro y'a jaabi k'ale

ka Forokoro nəfəgen, ko ni u kunna a la k'a sərə a ni u ka dugu ka jan, u k'a faga. Nka n'a y'a sərə a ni a ka surun, u k'a to yen. O fəlen denmisənw ye kirikəda sow la, k'u kunda korənyanfan kan, o dun y'a sərə Forokoro kəlen bə k'i kunda tilebinyanfan kan. U n'a bə nəgən ye tuma min, o y'a sərə a sera Nənkən ka ban. O kəlen, denmisənw seginna ka n'a fə Npiye ye, k'u ni



don. O fora ka wuli k'i sigi. Kabin'o kərə denmisənw bəs lajelen hakili wulila. U sərəla ka taa a fə Npiye ye ko jaa Forokoro tun dalen bə u cəla yen. A k'u ma, ko : "a y'a to yen ; ni dugu jəra an b'a nininka n'a ko a ye fən men, an b'a faga". O fəlen, denmisənw taara u da. Sanni dugu ka je, Forokoro məmuso y'a wele k'a fə a ye ko n'a bə min kə, k'a k'o kə, ni dugu jəra k'a to yen, k'u b'a faga. Forokoro məmuso ye nin kuma in fə a ye, ka tila k'a bilasira ni a bənke Npiye ka turabujirikologəlenw ye. Forokoro ma dugujs makənə tugun. A ye kirikəda so la, k'i kunda tilebinyanfan kan. Dugu jəlen, Npiye y'a fə a denw ye, k'u ka kirikəda sow la

Forokoro bə nəgən ye tuma min na, o y'a sərə a sera a ka so. Npiye k'o tə baasi ye. A sərəla ka ci bila ka taa a fə Nənkənkaw ye, k'u denkə ye min men, k'o y'a niyərə ye ale Npiye cən na Jitumu kənə, ko a kana se yen tugun, k'a ta o don na, ka na a bila Nənkənforokoro ka saya la, a ma Jitumu ye a nə na abada.

Min ye Belədugu ni Segu cə teriyasira ye, o sababu bəra Nənkənforokoro la. Ka masoř kabi-ni disəngəbəwaati, Belədugu bəs lajelen y'i wasadon Forokoro la, k'a kə a ka disəngədila ye Daa Jara ma Segu. O disəngədi də senfə, faama ye Nənkənforokoro kərəbo, ko a ka dənniyako min bə fə məgəw fə, n'o

Nənkənforokoro ka Taariku tə

kəra tijə ye, k'a n'o dən. Faama ye kami ni dononje minə, ka kami bila filen jukoro, ka dononje bila kunan jukoro. Faama ye Segu turabudalaw n'a məriw bəs lajelen fara nəgon ka, ka fara Nənkənforokoro kan, k'a nini u fə, k'u ka minen ninnu jukorofen sifə a ye. Forokoro y'i kanto Segu dənnikəlaw ma, k'u ka teme ni baara ye fəlo. Bəs y'i seko ke, dəw ko finiye bəs filen jukoro, dəw ko bəgolan bəs kunan jukoro, dəw yere ko fen jəman, dəw ko fen kalamən. Bəs y'i ta fə, faama sigilen bəs k'u lamən. Dakun sera Forokoro ma tuma min, a ye buguri yereke, ka turabu jənci k'a hərənci k'a nininka. A bolo folola cən diman k'a laban cən diman. A kəra sira ni masaya, lawusine. Juguni dimin, garinya. Ni nin kəne, Alimankusi. Fasotigi ni masaya. Alafutaanan. Forokoro nana i kanto ko : "faama, dononje bəs filen jukoro, kami bəs kunan jukoro". O fəlen, tənjənw taara minə ninnu dakorəta, a y'a fə cogo min, a kəra ten. Kabin'o kəra, Daa Jara sənna Nənkənforokoro ye. A ye yamaruya d'a ma, ko ni a ye fen o fen səro kəle la Bələdugu n'a lamini na, k'a kana na fen d'ale ma tugun. Daa Jara ye Bələdugu disəngoko latemə Forokoro ma nin cogo la, k'a

sababu ke a ka dənniya ye turabuko la.

Hali min ye Segukaw ni Jənkolo-ninkaw ka kəle ye, o sarakajakumako fəra Daa Jara ye Forokoro fe. Ka a masoro a y'a jira faama la, ko ni a ma jakumaninfin ke Jənkolonin kəle saraka ye ka taa o fili u ka kəlon kənə, k'a tə se a la abada. A y'o fo cogo min, Daa Jara ye saraka da jakumaninfin kan, ka t'o fili Jənkoloninkaw ka kəlon kənə. O ko, Segu - taara - Jənkoloninkaw sokənəminə ka a jənw n'a sanuw n'a wariw cə ka Segu səgəre.

O temennən ko, Nənkənforokoro ka taama də senfə, sənəkəla cəsaba y'a kərəbo k'u to sənə na sirakəre fe. U y'a nətə ye yərə jan, u y'u kanto ko nin t'u ka Nənkənforokoro nətə ye, an t'a kərəbo. A ka dənniyako min bə fə mögəw fe, n'a y'a sərə tijə don. U y'u bəs lədəgəmanin bila k'o ka taa a da togo kənə ni Forokoro sera u ma k'u b'a fə ko a man kəne, ko a k'a lajə ye. O taar'i da togo kənə, Forokoro selen u ma, u sərəla ka kuma in nəfə a ye. A y'i kanto k'o tə baasi ye, k'u ka na ni buguri dəoni ye. U ye yərə də sijə, k'o buguri cə ka na o ton Forokoro kərə. A ye buguri yereke, ka lətəru jənci, k'a hərənci, k'a nininka cənin ka banako la. A kəra masa ni "banan, jigi n'i banan", o man di. Forokoro nan'i kanto ko cənin ka bana in b'a la də, n'a m'a jija, hun ! Nka saraka də bə yen fo n'a y'o bə də. Denmisənw k'o ye mun saraka ye ? Forokoro k'u ma, ko a ye na ni dogosirifu kərə ye. U taar'o jəni ka na o di Forokoro ma, a y'o da cənin ni na k'o saraka, k'o di u ma k'u ka taa o kuntige sirakun kan. U taara o kə yen. O kəlen, Forokoro y'a ka minənw cə, ka teme n'a ka taama ye. Waati selen, u kərəke ye cənin wele k'a ka na u ka baara ke, ko bi ma Forokoro taa, a ma kuma. A taara a jo togoda la k'a wele, a ma kuma. A y'a ta a senw ma k'a sama, o y'a səro a sara fo k'a ja. O kəlen, u bəs y'u bolo fila da u kun ka kule dewu, ko Forokoro y'an faga. O y'a səro bamananwaliju sera a seyərə la ka ban. O temennən ko,

halı bi, faganin
də bə Nənkən so
ni kənəkayanfan
cə, ni fobonkda
tun sera, ka
binw jo, mögə si
tun tə tasuma
bila faga in binj
alanw ... na.

Nənkənforokoro
de tun bə ji ke a
da k'o kusukusu ka taa o bon faga
in bin jalanw kan, tasuma bə wuli ka
bin bəs lajelen jeni k'a je pasi pasi.

Nənkənforokoro ye dakabanako
caman ke Segu ni Bələdugu kənə.
O siratege la, an ka dənkilidala b'a
fə ka dənkili də la, ko saya bə bu
dun, ka səmə susu, nk'a tə se ka
təgə dun. Hali bi Nənkənforokoro
təgə bə dəjə fan tan ni naani bəs
lajelen na. Nənkənforokoro faatura
1490 san waatiw kənə. A ye muso
caman ni den caman to a ko. Nk'a
denkə fəlo tun ye Kaajo Jara ye.
Laturudalaw bəs lajelen b'a təgə fo
ka fara a fa təgə kan, n'o ye
Forokoro ye. Sabu bəs b'a fo ko
Forokoro Kaajo. Min ye Barənzən
ye, ale ye Forokoro fa Kənənba
dəgənən ye. Kunnafoni kuncə la, an
bə foli ni walenumandon lase
mögəw ma minnu kəra sababu ye
k'an dəmə nin baara keli la.
Forokoro Jara b'olu la ka se
Bafarokoro. Kənənba Jara ni 'Sənə
Jara (o ye ləkəlikaraməgə ye
Nənkən) ani Modibo Jara ma.

Aw k'an ben

**CMDT mögə minnu ye səbənni
ke boko in kənə;**

Madu Yusufu Sise - Bamako;
Dawuda Matiye Dawo -
Bamako;
Mamadu Lariya Sise - Bamako;
Usumani Tarawele - Fana;
Daniyeli Kulibali - Buguni;
Amadu Teli - Sikaso;
Musa Zano Tarawele - Kucala;
Abudulayi Kara - San;
Yusufu Jimé Sidibe - Kita

Jekabaara

Labəlikuntigi

Yusufu Jalo
Səbənəkəkulukuntigi

Yusufu Jalo
Səbənəkəkuluku

Bakari Sangare

Yusufu Fane

Jekabaara ni ONG cəsira
taamabaga


Fanta Kulibali
Nəgenw kəbaga

Nuhun Madani Tarawele
ko Banun

Baarakenogenw

Makoci, SNV, OCED
Həkəbəta:

11000



Yusufu F Fane